

Morning Dogri (NSD) National News Bulletin 08-04-2024

आकाशवाणी

- बक्ख-बक्ख सियासी पार्टिएं दे बड्डे लीडरें लोकसभा चुनां प्रचार लेई रैलिएं ते रोड शो आयोजित करा'रदे न।
- भारती जनता पार्टी दे वरिष्ठ लीडर ते प्रधानमंत्री नरेन्द्र मोदी बीजेपी दे मेदवारें दे समर्थन च अज्ज संजा महाराष्ट्र दे चन्द्रपुर जांगन।
- लोकसभा चुनाएं दे दुए गेड लेई नामांकन भरने दा अज्ज खीरी ध्याड़ा ऐ।
- सेना दे त्रौनें अंगें दा इक रोजा कांफ्रेंस "परिवर्तन चिंतन" अज्ज आयोजित कीती जा'रदी ऐ।
- भारती मौसम विभाग नै औंदे चऊं दिनें दरान पूर्वी मध्य ते प्रासद्विवीय भारत च होली थमां मध्यम दर्जे दी बरखा पौने दी पेशनगोई कीती ऐ।

<><><><><><>

Campaign

बक्ख-बक्ख सियासी पार्टिएं दे बड्डे लीडर मुखें दे केइएं हिस्सें च लोकसभा चुनाएं च अपने अपने मेदवारें दे हक्कै च समर्थन करने लेई रैलियां करा'रदे न। भारती जनता पार्टी दे वरिष्ठ लीडर ते प्रधानमंत्री नरेन्द्र मोदी होरें कल पच्छम बंगाल दे जलपाईगुड़ी दे धुपगुरी ब्लाक दी झुमुर थाहर इक सार्वजनिक मीटिंग लाई। रैली गी संबोधत करदे होई श्री मोदी होरें आक्खेआ जे ओ 2047 ब'रे तक्कर मुखै गी विकसित करने लेई हफते दे 7एं दिन 24 घैंटे कम्म करा'रदे न। उनें आक्खेआ विकसित भारत दे सुखने गी सच्च करने लेई हुंदे जीवन दा हर इक पल मुखै दे नमित समर्पित ऐ। उनें आक्खेआ जे औंदे लोकसभा चुनाएं मगरा केन्द्र च इक सशक्त ते स्थायी सरकार औग। श्री मोदी होरें आक्खेआ जे केन्द्र च जिन्नी सशक्त सरकार होग, उन्ना गै तगड़ा दुनिया दा भारत पर विश्वास होग। एहदे आक्खेदे होई जे भारत हून आतंक-मुक्त होई गेदा ऐ। प्रधानमंत्री मोदी होरें आक्खेआ जे दफा 370 गी खत्म करना, आतंकवाद-मुक्त कश्मीर दी तस्दीक करदा ऐ जेहड़ा भारत लेई इक गौ ऐ। उनें आक्खेआ बीजेपी दी अगुवाई आले एनडीए सरकार दिएं नीतिएं गरीब आदमी दी जीन गी सखल्ला बनाया ऐ।

उनें हुकमरान तृणमूल कांग्रेस सरकार पर दोष लाया जे ओह राज्य च केन्द्र आस्सेआ शुरू कीती गेदिएं लोक-कलयाण स्कीमें दी अमलावरी च रोढ़े अड़का'रदी ऐ। श्री मोदी होरें आखेआ जे INDIA ब्लाक कश मुल्खै गी अगगें लेइ जाने लेई कोई सोच नेई ऐ। दुए पास्सै तृणमूल कांग्रेस दिएं अध्यक्ष ते पच्छम बंगाल दिएं मुखमन्त्री ममता बेनर्जी होरें पुरुलीया लोकसभा हल्के थमां चुनां मैदान च खड़ोते दे पार्टी मेदवारशांति राम आहतो हुंदे हक्कै च चुनां प्रचार कीता। उनें आखेआ जे तृणमूल कांग्रेस राज्य दे विकास प्रति समर्पित ऐ। बीजेपी पर आरोप लांदे होई उनें दोष लाया जे नागरिकता संशोधन कनून तैहत लोकें गी उंदे घरें च कड्डेआ जाना ऐ। कल संजाप्रधानमन्त्री मोदी होरें जबलपुर मध्यप्रदेश च इक रोड शो बी कीता।

<><><><><><>

PM-Maharashtra

भारती जनता पार्टी दे वरिष्ठ नेता ते प्रधानमन्त्री नरेन्द्र मोदी होर अज्ज संजा महाराष्ट्र दे चन्द्रपुर दा दौरा लांगन ते चन्द्रपुर ते गढ़ाचिरौली लोकसभा हल्के थमां खड़ोते दे भारती जनता पार्टी दे मेदवारें दे समर्थन च चुनां प्रचार करगंन। मोखा हवाई अड्डे द मैदान च लगने आली सार्वजनिक बैठक च राज्य दे बीजेपी लीडर ते महाराष्ट्र च महायुति गठबंधन दे लीडर हिस्सा लैगनं राज्य दे जंगलात मन्त्री सुधीर मुंगनतिवार चन्द्रपुर लोकसभा चुनां हल्के थमां मेदवार न ते इसलै गढ़ाचिरौली दे सांसद अशोक नेते गढ़ाचिरौली लोकसभा चुनां हल्के थमां मेदवार न। तोआई प्रधानमन्त्री महायुति मेदवार राजू परवे दे समर्थन व इस म्हीने दी 10 तरीकै गी रामटेक लोकसभा हल्के दे कान्हन इलाके च चुनां प्रचार करगंन। श्री परवे नागपुर ग्रामीण थमां रामटेक लोकसभा लेई चुनां लड़ा'रदे न। पूर्वी विदर्भ दे नागपुर, रामटेक, हंदरपुर, गढ़ाचिरौली-चिमूर ते भाण्डारा गोंडिया च इस म्हीने दी 19 तरीकै गी चुनां करोआए जाने न।

<><><><><><>

Chatisgarh-PM Rally

भारती जनता पार्टी दे वरिष्ठ नेता ते प्रधानमन्त्री नरेन्द्र मोदी होर अज्ज छत्तीसगढ़ दे बस्तर जिले च जनसभा गी संबोधत करगंन।

मोदी होर संकलप शंखनाद रैली गी संबोधत करदे होई बीजेपी दे चुनां प्रचार दी शुरूआत करगन। पैहले गेड़ तैहत बसतर लोकसभा सीट पर 19 अप्रैल गर मतदान होग।

<><><><><><>

Lok Sabha 2nd Phase

लोकसभा चुनां दे दुए गेड़ आस्तै नामांकन वापस लैने दा अज्ज खीरी दिन ऐ। इस गेड़ च 12 राज्ये ते केन्द्र शासत प्रदेशखे दी 86 लोकसभा सीटें पर 26 अप्रैल गी वोट पाए जांगन। जम्मू कश्मीर गी छोड़ियै नामांकन पत्रें दी जांच आला कम्म शुक्रवारें कीता गेआ। दुए गेड़ च केरल दी 20, कर्नाटक दी 14, राजस्थान दी 13, उत्तर प्रदेश ते महाराष्ट्र 8-8, मध्यप्रदेश दी 7, पच्छिम बंगाल ते दत्तीसगढ़ दी 3-3, मणिपुर, त्रिपुरा ते जम्मू कश्मीर दी इक-इक सीट पर वोट पाए जांगन।

<><><><><><>

Congress WB

कांग्रेस नै कल लोकसभा चुनां आस्तै त्रै मेदवारें दी सूचि जारी कीती। पार्टी नै पच्छिम बंगाल च बनगांव थमां प्रदीप बिस्वास, उलूबेरिया थमां अजहर मल्लिक ते घाटाल थमां डॉ. पापिया चक्रवर्ती होरें गी मेदवार बनाया गेआ ऐ। भगवानशोला विधानसभा क्षेत्र दे उप-चुनां च अंजू बेगम कांग्रेस दी मेदवार होंगन।

<><><><><><>

ECI-Suvidha

निर्वाचन आयोग नै आखेआ ऐ जे लोकसभा चुनां दी घोषणा दे बाद शड़े 20एं दिनें दे अंदर गै सुविधा पोर्टल पर 73 जहार कोला मते दरखास्तां आइयां न। सुविधा पोर्टल दी मदद कन्नै चुनांS प्रचार अवधि दे महत्व गी दिक्खदे होई रैलियां आयोजित करने, आरजी तौरा पर पार्टी दफतर खोलने, घर-घर जाइए प्रचार करने, वैन, हैलीकाप्टर ते गड्डी वगैरा लेई परमिट हासिल करने ते प्रचार सामग्री बंडुने दी परमिशन लैती जाई सकदी ऐ।

निर्वाचन आयोग नै दस्सेआ ऐ जे हासल अर्जिएं चा 44 जहार 600 कोला मतिएं गी मंजूरी थोई गेदी ऐ। पार्टिएं ते मेदवारें लेई इक बरोबर रूप कन्नै सुविधा यकीनी बनाई जा'रदी ऐ। आयोग नै आखेआ ऐ जे सुविधा पोर्टल चुनांऽ प्रबंधन च पारदर्शिता गी बढ़ावा दिंदा ऐ। सुविधा पोर्टल चुनांऽ आयोग आस्सेआ तैयार कीती गेदी इक टेकनालजी आली पैहल ऐ जेड़ी सुतंत्र, निर्पक्ख ते पारदर्शी चुनांऽ दे लोकतांत्रिक सिद्धांतें मुजब सुविधा उपलब्ध करांदी ऐ।

<><><><><><>

ECI

चुनां आयोग नै औंदे लोकसभा चुनाएं च युवा ते शैहरी मतदाताएं दी हिस्सेदारी बधाने आस्तै सोशल मीडिया पर केइं पैहले ते अभियानें दी शुरूआत कीती ऐ। आयोग मतदाताएं तगर अपना सनेहा पजाने आस्तै टर्निंग -18 ते You are the one अभियान राएं आर्कश विशे लोकप्रिय आइकन ते सरबंधी सामग्री दा इस्तेमाल करा'रदा ऐ तां जे औंदे चुनाएं च युवा ते शैहरी मतदाताएं दी गिनतरी च बाद्धा कीता जाई सकै।

<><><><><><>

CDS-Conference

सेना दे त्रौनें अंगें दा इक रोजा सांझा सम्मेलन संगारें नमीं दिल्ली च लग्गोग। परिवर्तन चिंतन नां दे इस सम्मेलन दा मकसद नमें विचारें, नमिएं पैहलें ते सुधारें पर जोर देना ऐ, तां जे फौज दे त्रौनें सीगें बश्कार नेइमा ते बेहतर तालमेल बधाया जाई सकै। सम्मेलन दी अध्यक्षता रक्षा प्रमुख सी.डी.एस. जनरल अनिल चौहान होर कर³न। एह फौज दे त्रौनें अंगें दे प्रमुखें, सैन्य कार्य विभाग ते इंटीग्रेटिड डिफेंस स्टाफ दे मुख्यालयें दा पैहला सांझा सम्मेलन होग। सम्मेलन च सेनाएं दे बक्ख-बक्ख स्तरें दे अफसर अपने तजुर्बे सांझा कर³न ते एकीकृत बवस्था गी कार्यरूप देने बारे अपने-अपने सुझा ते विचार रक्ख³न। रक्षा मंत्रालय नै दस्सेआ ऐ जे भारती सशस्त्र बल भविक्ख दे युद्धें लेई अपने आपै गी तैयार करा करदे न, इसी दिक्खदे होई संयुक्त अभियान लेई सेना दे त्रौनें अंगें बश्कार तालमेल गी मजबूत करने लेई केई पैहलकदमियां कीतियां जा'रदियां न।

<><><><><><>

Bihar-VP

उपराश्ट्रपति जगदीप धनखड़ होरें युवा पेशेवरें थमां 2047 तगर विकसित भारत बनाने दे जतनें पर सहभागी बनने दी अपील कीती ऐ। बिहार दे बोधगया च भारतीय प्रबंधन संस्थान दे 6में दीक्षांत समारोह च उनें आखेआ जे अज्ज दे विद्यार्थी ते युवा गै भारत दा भविक्ख न। धनखड़ होरें उविद्यार्थिएं थमां अपील कीती जे ओह भारत दी विकास गाथा च नमां ध्या लिखने आस्तै अपने कौशल ते प्रतिभा दा इस्तेमाल करन। एहदे थमां पैहले उपराश्ट्रपति होरें दीक्षांत समारोह च एमबीए दे विद्यार्थिएं गी डिग्री प्रदान कीती। इस मौके पर बिहार दे राज्यपाल राजेन्द्र विश्वनाथ भारतीय प्रबंधन संस्थान बोधगया दे अध्यक्ष ते निदेशक बी मजूद हे। उपराश्ट्रपति होरें बोधगया च मशहूर महाबोधि मंदर च पूजा अर्चना बी कीती।

<><><><><><>

IMD

मौसम विभाग नै मुख दे पूर्वी, मध्य ते प्रायद्वितीय क्षेत्रें च अगले 4 दिन तगर तेज हवा ते ऐन गड़ा पौने दे कन्ने हल्की थमां दरमेयाने दर्जे दी बरखा पौने दा अनुमान जाहर कीता ऐ। मध्यप्रदेश, छत्तीसगढ़, मराठवाड़ा, विदर्भ, झारखंड, पच्छिम बंगाल दे गांगेय क्षेत्र ओडिशा ते महाराष्ट्र च इस म्हीने दी 11 तरीक तगर गरज चमक कन्ने बरखा पेई सकदी ऐ। इस दरान 50 किलोमीटर प्रति घैंटे दी रफतार कन्ने हवा चलने दी सीावना ऐ। ओडिशा, मध्यप्रदेश, विदर्भ, छत्तीसगढ़ मे मराठवाड़ दी किश थाहरें अज्ज ते कल ऐन-गड़ा पेई सकदा ऐ। राश्ट्रीय राजधानी दिल्ली च मौसम अज्ज साफ रौहग ते तेज हवा चली सकदी ऐ। बद्धोबद्ध तापमान 36 डिग्री सैल्सियस दे कोल काल रौहने दी मेद ऐ।

<><><><><><>